



KEMENTERIAN KESIHATAN MALAYSIA
INSTITUT PENYELIDIKAN SISTEM KESIHATAN

LAMPIRAN C

GARIS PANDUAN PENYERTAAN PERTANDINGAN PROJEK QA KATEGORI POSTER

1. Pertandingan ini terbuka kepada semua negeri/program/institusi/universiti/sector kesihatan swasta di Malaysia.
2. Kelayakan projek untuk menyertai **pembentangan poster** adalah berdasarkan kriteria berikut:
 - 2.1 Ia adalah projek penambahbaikan kualiti yang menggunakan pendekatan *Quality Assurance/Quality Improvement*.
 - 2.2 Projek penambahbaikan kualiti yang lengkap (selesai dijalankan/dilaksanakan):
 - a) **Belum pernah dipertandingkan dan/atau memenangi** (tempat pertama, kedua, ketiga atau sebarang anugerah) dalam Konvensyen QA Kebangsaan yang lepas sama ada kategori lisan atau poster; atau
 - b) **Belum pernah memenangi** (tempat pertama, kedua, ketiga atau sebarang anugerah) dalam mana-mana konvensyen/seminar/pertandingan/persidangan di peringkat kebangsaan dalam kategori lisan atau poster; atau
 - c) **Belum pernah** atau **bukan** dalam persediaan untuk **dibentangkan** di mana-mana konvensyen/seminar/pertandingan di peringkat antarabangsa sebelum tarikh Konvensyen QA Kebangsaan 2024.
 - 2.3 Projek yang didapati melanggar mana-mana syarat di atas akan dibatalkan penyertaan dan pihak urus setia berhak menarik balik sebarang anugerah yang telah diberikan.
3. Bahan projek (abstrak dan poster) boleh disediakan dalam Bahasa Malaysia atau Bahasa Inggeris.
4. Had pencalonan – maksimum **sepuluh** pencalonan bagi setiap negeri/program/institusi/universiti/sector kesihatan swasta.
 - 4.1 Pencalonan projek daripada program ialah projek-projek penambahbaikan kualiti yang dijalankan merentasi fasiliti (antara hospital dengan hospital dan/atau klinik kesihatan/institusi) sama ada dalam negeri yang sama atau melibatkan pelbagai negeri.
 - 4.2 Pencalonan perlu dipersetujui di peringkat jabatan/negeri/program. Borang persetujuan pencalonan projek QA perlu dimuat naik bersama-sama semasa pendaftaran.
5. Langkah-langkah untuk pencalonan projek (Rajah 1);
 - 5.1 Daftar projek melalui laman sesawang rasmi Konvensyen QA Kebangsaan 2024: <https://qaconvention.nih.gov.my> bermula **15 Februari 2024 hingga 31 Mac 2024**. Pendaftaran selepas 31 Mac 2024 akan ditolak.

- 5.2 Rujuk Garis Panduan Penyediaan Abstrak Projek QA (Lampiran D).
- 5.3 Muat turun borang persetujuan (Lampiran A) dan templat abstrak (Lampiran E1/E2).
- 5.4 Lengkapkan borang persetujuan dan abstrak mengikut templat.
- 5.5 Muat naik borang persetujuan dan abstrak ke <https://qaconvention.nih.gov.my> sebelum atau pada **31 Mac 2024**.
6. Proses pemilihan projek yang akan bertanding di Konvensyen QA Kebangsaan adalah seperti berikut:
 - 6.1 Saringan **pertama** – saringan **abstrak** oleh urus setia
 - 6.2 Pemakluman keputusan saringan pertama selewat-lewatnya pada **4 April 2024**.
 - 6.3 Saringan **kedua** – saringan **abstrak** dan **e-poster** projek oleh hakim. Projek terpilih perlu menghantar e-poster selewat-lewatnya pada **28 April 2024**. Pencalonan akan terbatal sekiranya e-poster **tidak** diterima. Spesifikasi e-poster:
 - a. Disediakan atas satu halaman dalam *potrait layout* dengan saiz A0 (ukuran 1189mm (tinggi) x 841mm (lebar)).
 - b. Format PDF (.pdf) dengan saiz fail tidak melebihi 15MB.
 - c. Saiz huruf minimum yang dicadangkan adalah saiz 8.
 - d. Animasi bunyi atau video adalah tidak dibenarkan.
 - e. Sila nyatakan nombor giliran di bahagian atas kiri poster seperti dalam Rajah 2.
 - 6.4 Pemakluman keputusan saringan kedua bagi projek layak bertanding dalam Konvensyen QA Kebangsaan Kali Ke-12, 2024 selewat-lewatnya **24 Mei 2024**.
 - 6.5 **Maksimum 60** projek bagi kategori poster akan dipilih daripada saringan kedua untuk dipertandingkan di Konvensyen QA Kebangsaan kali Ke-12, 2024.
7. Abstrak bagi projek yang terpilih akan melalui proses semakan. Pihak penulis perlulah memberikan kerjasama penuh dalam penambahbaikan abstrak.
8. Semua projek (maksimum 60) yang terpilih untuk bertanding dalam Konvensyen QA Kebangsaan Kali Ke-12, 2024 perlu menghantar perkara seperti berikut ke <https://qaconvention.nih.gov.my> Jumlah saiz fail yang dimuat naik hendaklah tidak melebihi 15MB.
 - 8.1 *Write-up* projek menggunakan templat (rujuk Lampiran E1/E2) dan berpandukan garis panduan (rujuk Lampiran D) sebelum **15 Ogos 2024**.
 - 8.2 *Soft copy* poster **yang muktamad** dalam format PDF (.pdf) perlu dimuat naik sebelum atau pada **10 September 2024** bagi sesi pra-penghakiman. **Sebarang perubahan adalah tidak dibenarkan** setelah *soft copy* poster dimuat naik.


9. Sesi pra-penghakiman akan dilaksanakan pada **23 – 26 September 2024**.
10. Abstrak, e-poster, poster dan *write-up* yang dihantar untuk penyertaan konvensyen ini akan menjadi hak milik pihak penganjur dan boleh digunapakai untuk tujuan latihan atau perkongsian dalam mana-mana platform. Penghantaran projek untuk penyertaan dalam konvensyen ini bermaksud semua penulis bersetuju dengan syarat ini.
11. Garis panduan **pembentangan poster** semasa konvensyen:
 - 11.1 Poster hendaklah disediakan seperti di Rajah 2.
 - 11.2 Poster akan ditayangkan dalam bentuk fizikal. Peserta perlu membawa poster dalam bentuk *hardcopy* pada hari pendaftaran. Poster yang dibawa semasa Konvensyen mestilah sama seperti e-poster yang dimuat naik bagi sesi pra-penghakiman (item 8.2 dan 9.0).
 - 11.3 Velcro untuk tujuan menampal poster pada papan panel tidak disediakan oleh pihak penganjur. Sila bawa pita pelekat/Velcro/pita akrilik/klip binder untuk kegunaan menampal poster. Penggunaan paku/stapler/gam atau sebagainya yang akan merosakkan papan panel adalah tidak dibenarkan.
 - 11.4 Hanya seorang pembentang sahaja yang dibenarkan bagi setiap projek.
 - 11.5 Sesi soal jawab adalah selama 7 minit sahaja bagi setiap projek.
 - 11.6 **Kriteria penghakiman** adalah seperti dalam Lampiran F.
 - 11.7 Keputusan hakim adalah muktamad.
12. Untuk sebarang pertanyaan lanjut, sila hubungi pihak penganjur melalui e-mel ataupun nombor telefon:

Pembentangan Poster:


Dr Izzatur Rahmi Mohd Ujang

qasecretariat@moh.gov.my

Tel: 03-3362 8521



Rajah 1: Carta alir pencalonan projek (kategori poster) untuk Konvensyen QA Kebangsaan Kali ke-12 2024



Rajah 2: Templat poster mengikut format yang ditetapkan